

巴陵縣志卷之二十六

藝文

明

凡二百四十首上卷一百五十八首下卷八十二首

洞庭秋月

宣帝

洞庭秋水清徹底岳陽樓頭月初起巴山落影半湖  
陰金波倒浸芙蓉翠須臾素景當瑤空寒光下燭馮  
夷宮雲夢微茫冰鑑裏沅湘浩蕩玉壺中霜華初飛  
風浪息萬籟無聲夜方寂彷彿湘靈汗漫遊虹橋直  
跨天南北但見鷗汀與鷺洲折葦寒沙帶淺流縞衣  
綸巾湘中老高臥取醉岳陽樓回看月下西山去湖

巴陵縣志

卷之二十六

藝文

一

水悠悠自東注洞庭咫尺西南陬赤岸銀河萬里秋

湘中絃

高啟

涼風嫋嫋月鄰鄰竹色蘭香秋水濱一夜猿聲流淚  
盡黃陵祠下泊舟人

洞庭秋月

楊基

湘水秋更清湘月秋更白光輝一相蕩水月不辨色  
何處洞簫聲巴陵夜歸客

湘竹

楊基

朝行湘竹下暮宿湘竹中雲情與雨態萬態俄不同  
密密深翳日疎疎細含風新梢露裊裊老節烟濛濛

紛如千里妃從以萬青童旛幢列縹緲環佩搖丁東  
來從蔚藍天步入東華宮悵然不可卽翩然若驚鴻  
天矯喜而笑低徊俯乃躬質堅本外直性潔緣中空  
籊爾中絃矢揉之可彤弓冰雪誓不易肯與時污隆  
今朝揭春晴更覺翠色濃戢戢琅玕叢忽見桃花紅  
直疑路不遠便與桃源通我欲捐輕舟褰衣入崆峒  
春禽迎我啼音響諧絲桐終當聽山雨自號蒼筤翁

登岳陽樓望君山

楊基

洞庭無煙晚風定春水平鋪如練淨君山一點望中  
青湘女梳頭對明鏡鏡裏芙蓉夜不收水光山色兩  
巴陵縣志

卷之二十六

藝文

二

悠悠直教流下春江去消得巴陵萬古愁

岳陽樓

楊基

春色醉巴陵闌干落洞庭水吞三楚白山接九疑青  
空濶魚龍舞娉婷帝子靈何人夜吹笛風急雨冥冥  
過洞庭

楊基

雨後春江似潑醅洞庭猶更綠於苔碧湘樓閣千花  
繞紫府旌旗十殿開春色不隨流水去夢雲長帶客  
愁來閒身也是滄浪客鷗鷺忽忽莫浪猜

岳陽樓

林鴻

湖水平流夔子國岳陽絕勝濯龍宮樓臺迴出丹霄

上島嶼浮來玉鏡中墨客琴樽猶對月榜人舟楫若  
乘空青蘋風起還能賦不獨蘭臺宋玉工

宿巴陵聞笛

王 偁

玉笛飄殘月下聲空江秋入思冥冥怪來楊柳移關  
塞可是梅花落洞庭半夜旅魂隨調切誰家少婦倚  
樓聽曉來更覓龍吟處一點君山水面青

過城陵磯

楊士奇

城頭水落石層層石上魚檣半搭罾忽望高樓出城  
郭舟人指點說巴陵

次蔡元禮過洞庭韻二首

劉三吾

巴陵縣志

卷之二十六

藝文

三

翠瀾渺渺共天寬過客登臨足解顏兵後已非前殿  
閣望中猶是舊江山白雲隱映波光裏畫棟參差樹  
杪間欲向黃陵懷帝子鷓鴣啼處雨斑斑  
樓宇年深已不堅尙餘神物至今傳波濤洶湧豚吹  
浪雲樹模糊鴈叫煙無復翠華來帝子空餘廣樂奏  
鈞天夜深環珮淒清處半是乘風閬苑仙

奉使安南過岳州

任亨泰

十二危樓架沆寥楚雲巴樹隱周遭洞庭春濶烟浮  
海巫峽天低雪漲濤杜甫有懷詩思苦回仙無影月  
輪高登臨已極江湖量未許元龍氣獨豪

洞庭秋月

夏原吉

萬籟無聲玉宇清  
君山推出一輪明  
嬋娟倒蘸寒波  
風驚起魚龍夢不成

登岳陽樓

郭永清

危樓插天起形勢  
沉江底浪聲午後風  
山色夜來雨  
詩成錦霧中  
人在青霄裏  
拍手倚闌干  
恨殺鱖魚觜

登岳陽樓

夏瑄

丹梯飛上岳陽樓  
簾捲君山宿霧收  
仙去石砰虛夜  
月龍移雷雨暗靈湫  
風濤夜吼鼉鼉窟  
煙草秋迷鴈  
驚洲北望長安何處是  
心隨流水去悠悠

巴陵縣志

卷之二十六 藝文

四

洞庭秋月

薛瑄

西風淨晚烟  
天水遠相接  
瓊樓玉女深  
炯炯涵虛白  
夜久風露寒  
一鼓湘靈瑟

洞庭遇雨

薛瑄

孤舟行何遲  
歲晚洞庭雨  
跳波亂明珠  
隨風颺細縷  
雲霧失君山  
波浪連吳楚  
誰唱斑竹枝  
別思盈南浦

岳陽晚興二首

葉子奇

洞庭萬頃秋月君山一點晚烟  
安得幅巾無事酒船  
吹笛江天

暮雨漁村春暝曉  
霜楓葉秋酣  
人世花開花落  
山光

湖北湖南

登岳陽樓

包 聖

春城攜伴共躋攀極目風煙慘澹間桂嶺北來還有  
瘴洞庭南上却無山江通巴峽三千里雲鎖湘娥十  
二鬟爲語遊人莫吹笛潛龍淵在月波灣

岳陽樓

黃宗戴

危樓高構近湖邊幾度登臨意豁然梁棟凌空餘百  
仞棋枰刻石已千年夜深風靜波搖月春盡雲開水  
接天漫說呂仙三醉後青蛇曾向壁間懸

予三渡君山皆爲風雨所阻今夏渡湖北上忽

巴陵縣志

卷之二十六 藝文

五

南風大作將予舟竟送君山泊而登覽喜賦

劉大夏

青螺十二出沒間幾度來遊空往還風雨昔年皆偶  
爾亭泉今日應躋攀勝遊纔了生平願浮世欣逢一  
日閒看徧江南花共柳何如福地聽潺湲

登岳陽樓

黎 淳

獨立烟波萬頃間信知勝景隔塵寰天當盡處疑無  
地水到中心却有山孤棹風雲來遠域層城角鼓壯  
雄關諸侯事業如今古不見仙人跨鶴還

夜泛

黎 淳

四溟波浩浩一葦向空渡月近星斗寒始識天上路  
偕謝寶慶洞庭湖中作  
李東陽

湖南鉅郡稱岳陽樓前大湖春水長周回九江帶七  
澤顛倒萬象隨三光洪濤巨浪拍山動風雨却酒炎  
天涼君山遠在湖中央蒼梧不來斷人腸南尋汨羅  
不知處屈子隨地魂茫茫謝公弔古心慷慨予亦從  
之渡沅湘平生壯遊天地間老大不覺鬢眉蒼商飈  
南來振南嶽孤櫂未許還滄浪畫圖髣髴今皆足江  
海風期殊未忘揮毫賦者誰最强前有胤魁後孔暢  
二子之名滿天下豪氣直欲隘八荒嗟予有辭不敢  
巴陵縣志

卷之二十六

藝文

六

吐人今盡笑二子狂眼中同調似公少且復盡醉君  
山傍

登岳陽新樓

李東陽

突兀高樓正倚城洞庭春水坐來生三江到海風濤  
壯萬水浮空島嶼輕吳楚乾坤天下句江湖廊廟古  
人情中流或有蛟龍窟臥聽君山笛裏聲

岳陽樓

吳政

層樓高出白雲間吟倚東風十二欄銀屋湧邊迷夢  
澤青螺浮處指君山半枰棋局乾坤老一筵梅花日  
月閒憂樂何由效先哲驅馳贏得鬢毛斑

泊岳陽樓

彭澤

平湖空濶水浮煙孤嶼依微樹接天歲月有期陵谷  
變神仙多事古今傳城樓吹笛風回市沙浦鳴榔月  
滿船細讀屈騷並賈賦淒涼遺恨使人憐

謁洞庭君廟

郭登

停舟一拜洞庭君古廟荒涼對夕曛鳥跡下庭書作  
字蝸涎浸壁篆成文江通巴峽風濤壯山過寧陵楚  
蜀分簫鼓不來鴉陣散滿階黃葉自紛紛

岳陽樓

熊概

岳陽城上岳陽樓樓外長江日夜流簾捲斷雲衡嶽  
巴陵縣志

卷之二十六

藝文

七

曉牕含殘雨洞庭秋東南勝概留清賞唐宋衣冠想  
昔遊倚遍闌干重弔古蒹葭楊柳不勝愁

登岳陽樓

吳廷舉

廊廟江湖憂樂兼岳陽形勝范公添客逢好酒休辭  
醉人取虛名忌過廉澤國遺風思郢士家宗事業愧  
吳潛渚蘭汀芷吟邊滿欲嗅幽香信手拈

泊舟岳陽城下時樓燬於火

周敘

岳陽不復舊時樓獨有山川豁遠眸天接湖光明似  
鏡風收暑氣爽如秋鈞天帝樂乘龍奏飛劍仙人跨  
鶴遊千古洞庭形勝地登臨何幸一維舟

岳陽樓三首

楊一清

樓頭仙子坐當牕樓外風飛擁客艫今古勝遊誰第一  
乾坤偉觀此無雙山形南去連衡嶽水勢西來接  
大江極目浮光殊未已題詩安得筆如杠  
百尺高樓倚碧空乾坤登眺幾人同眼前憂樂誰無  
意天下江山此最雄孤棹影衝煙浦外浩歌聲在水  
雲中東流萬里終歸海不盡狂瀾砥柱功  
月色風光此夜兼洞庭春水坐來添十年作宦身如  
繫一日看山興未廉江海波濤驚變化乾坤魚鳥自  
飛潛太平關塞無戎馬彩筆逢時次第拈

巴陵縣志

卷之二十六

藝文

八

風雨憶君山

楊昌朝

洞庭風雨暗漁燈一點君山數箇僧拋却青巒勞夢  
思何時尊酒願攜藤千求名祿都無味販買松雲我  
不能新筍而今掘欲了歸湖一棹及秋乘

登岳陽樓和魏嘉州韻

顏公輔

家近高樓日每登望中常見五雲層欲凌縹緲三秋  
漢敢借扶搖萬里鵬吟倚紫簫追換酒飲邀明月不  
須燈茫茫俯仰情何限忠孝深慚兩未能

秋日登岳陽樓書所見

李鏡

秋晏登臨倍愴神茫茫湖水四無垠高低隴畝還爲

壑鉅細農家總恨貧  
召患有由難恕我  
征徭依舊可憐民  
先憂范相遺文在  
載讀寧無愧此身

湘妃怨

李夢陽

采蘭湘北址  
塞木澧南潯  
淥水含瑤彩  
微風託玉音  
雲起蒼梧夕  
日落洞庭陰  
不知篁竹苦  
惟見淚斑深

巴陵

何景明

楚水滇池萬里遊  
使車重喜過巴邱  
千家樹色浮山郭  
七月濤聲入郡樓  
寺裏亭臺多舊主  
域中冠蓋半同遊  
明朝又下章華路  
江月湖煙綰別愁

岳陽樓中聞笛

何景明

巴陵縣志

卷之二十六

藝文

九

何處笛聲三四弄  
坐聽疑隔楚江濱  
落梅折柳怨清夜  
激羽流商哀白雲  
月上山樓人獨倚  
風高秋院客先聞  
洞庭空濶蕭湘冷  
縹緲餘音送鴈羣

岳陽樓

劉績

飛樓縹緲枕城陴  
俯檻湖山便覺奇  
龍女出宮纔露髻  
鯨魚聽樂久揚髻  
周遭作準平千里  
上下含光合兩儀  
荆楚衆流成吐納  
古今似欠禹王祠

題岳陽樓

顏頤壽

吳楚樓臺此大觀  
丹梯百尺入雲端  
乾坤俯仰俱陳迹  
今古江山一倚闌  
柳樹和風黃鳥語  
蘭汀細口白

鷗寒捲簾更覺塵氛遠身世渾疑跨紫鸞

岳陽樓

陳洪謨

城頭飛構自何年作鎮南州勢不偏日暮巴陵雲滿地  
春深夢澤水連天江山自古多晴晦憂樂憑誰許  
後先短櫂秋風聊竚望幾行征鴈去翩翩

岳陽樓

胥文相

從倚闌干望眼娛杪秋風景未應殊半空雲捧樓臺  
出四面天開水墨圖夢澤有時吞別渚君山終古壓  
重湖方輿不復長江限莫更登臨問楚吳

登岳陽樓二首

何喬新

巴陵縣志

卷之二十六

藝文

十

闌干十二碧玲瓏千里湖山入望中雲影淒迷涵遠  
岫波光滉漾浴晴空登臨誰識希文意俯仰深懷大  
禹功江草江花紛在目凭闌脉脉看冥鴻

雲牕月牖俯清流萬象森森鏡裏浮誰在江湖懷北  
闕漫誇樓閣冠南州朱絃夜鼓湘靈瑟錦纜春回楚  
客舟欲起靈均歌九辨澧蘭沅芷不勝愁

岳陽渡江望君山有懷

林大輅

弱齡談烟霞披圖見幽事流光四十過斑髮耽榮利  
楚甸舟車遊巴陵已三至暮春阻華容瀟湘多靈異  
中流望君山徙倚勤雙視所媿非仙才所思在夢寐

陰崖猿猱馴迴瀾蛟龍避采芳襲我襟攀蘿協□□  
情哉無雙翼婉變誰能致武陵桃源深茲遊偶然遂  
南風吹歸舟仙翁或相值鳴簫洞庭野逍遙忘作吏  
登岳陽樓步朱陵豁韻  
周廷用  
獨坐高樓望洞庭樓前波浪晝冥冥雨來湘漢兼天  
黑雲去衡巫擁地青僊子傳書孤鶴下山人吹笛老  
龍聽蒹葭零落芙蓉冷誰采香蘭弔屈靈

夜泊岳陽樓

周廷用

水動沙虛月色浮孤舟夜傍岳陽樓天空避繳鴈來  
度浪靜抱珠龍出遊湖海放歌聊對酒鄉關聞笛易  
巴陵縣志

卷之二十六

藝文

十一

生愁君山縹緲虛無裏欲躡飛雲到上頭  
洞庭舟中聞鴈

周廷用

瀟湘鴈來今幾時洞庭雲水鎮相宜傳書列字征心  
急殘葦折荷歸思遲度月關山應獨苦銜蘆贈繳已  
先知呼雲政爾聲聲切吹笛高樓何處思

大江晚渡

周廷用

洞庭湖邊吹晚風孤雲殘日隱長空一羣鴻鴈□蒲  
裏無數人家蘆葦中傍水酒漿那可覓隔溪魚蟹孰  
能供茫茫江海闕舟楫何處滄浪有釣翁

泛洞庭湖作

藍明之

昔歌杜甫洞庭作壯思高秋動寥廓天風吹夢岳□  
樓九月揚帆湖水落中流四望波泠泠遙天倒浸□  
滄溟龍堆千尺雲濤白鼇背一點君山青茫茫元氣  
浩無外巨澤方知百川會錦浪愁翻灩澦深黃流怒  
擘君山碎漂吳蕩楚注海門吞雲吸夢移山根東南  
但見日月出咫尺常愁雲雨昏輕舟破浪疾如箭瓣  
□走謁龍王殿琴高赤鯉有時逢温嶠燃犀那可辨  
□然風靜波不喧青銅一鏡磨蒼雲舟人漁子雙雙  
□斷鴈殘鴉個個聞汨羅欲弔懷沙客芳洲誰鼓湘  
□瑟清淚空餘野竹斑忠魂何許楓林黑古今萬事  
巴陵縣志

卷之二十六

藝文

十二

共悠悠人生有酒且澆愁喜探禹蹟得奇觀濯足滄  
浪歌遠遊

集岳陽樓用顏延年韻

廖道南

繫予錫嘉名自幼好奇服興懷慨鬻熊馳情追力牧  
改歲辭朔易茲晨趨南陸崇樓俯江□傑構屯雲複  
張樂臨夢野開筵敞靈囿鉅浸日月□層濤天地澳  
飛雨從塵氛奔景蕩心目淵龍儵隱見沙鳥時迴復  
恍疑玉華宮良覲金蛾淑贈我屈子蘭貽之湘妃□

登岳陽樓書懷

汪必東

洞庭波撼岳陽樓□上驚波□□浮倒浸乾坤渠□

穴渾吞巴漢此襟喉浪花細雨來千里木葉輕風下  
九秋廊廟近聞方有喜江湖那得獨無憂

登岳陽樓

顧佐

危樓百尺倚江隈勢冠南州孰與侔萬頃浮光天宇  
霽八牕虛彩月輪秋祇疑鼇極從茲折信是龍宮自  
古浮前輩風流還可繼於今豈乏謫仙流

泊岳陽城下

李冕

湘江蜀江春水來洞庭八百如天開颶風嗚嗚半空  
吼怒濤捲雪聲如雷官船夜半樓前泊臥聽蓬牕風  
轉惡何如罄我憂樂懷歸向滄溟把纓濯

巴陵縣志

卷之二十六

藝文

十三

登岳陽樓

李冕

栢府沉沉簡獄書賞懷樓下暫回車謾看雲水相連  
處渾似乾坤未判初量合華夷通九貢勢銜荆楚列  
三閭倚闌翻念江湖遠一寸丹心繞帝居

偶題岳陽樓壁

蕭一中

飛閣凌空起孤城水面開大江流日夜層棟接奎台  
往事懷先哲時艱屬異才登臨不盡意對景且銜杯

岳陽樓

徐備

跨鶴仙人不復來彩雲猶自護樓臺煙迷沙岸漁歌  
起月照江城客棹迴湖水遠涵天鏡淨君山遙列畫

屏開宦遊幾度閒吟賞風景無邊豁壯懷

登岳陽樓

薛佐

南城粉堞背層山城上危樓俯濬湍湖勢欲包天口  
外棹歌只在水雲間湘靈鼓瑟今何處仙子凌風去  
未還倚遍闌干閱今古白雲渺渺白鷗閒

舟至城陵磯與楚百戶言別

曾烜

江到荆湘兩派分客情無奈況離羣爾從三峽迎春  
水我過重湖望楚雲白帝至今啼蜀魄蒼梧何處弔  
湘君孤舟夜向巴陵泊一曲商歌不忍聞

望君山

田登

巴陵縣志

卷之二十六 藝文

十四

渺渺洞庭波君山翠擁螺江空含月小地剩得天多  
寒色征鴻陣秋風返棹歌湘靈不可問落日下烟莎

登岳陽樓

玉來

巴陵勝概岳陽樓此日登臨最上頭萬頃湖光秋色  
靜一天晴景曉煙收征帆度影參差去飛棟凌空迤  
邐留不盡江山懷古意憑闌呼酒看吳鉤

登岳陽樓

許宗魯

澤水含秋盛樓光向晚孤倚欄聞白鴈把酒對蒼梧  
楚客悲今昔湘靈怨有無興來留賞地落日下平湖

洞庭湖

徐緘

巴蜀雪水來洞庭容不住一夜風濤聲漂却君山去  
岳陽樓 毛伯温

湖邊樓閣欲凌空春日登臨有客同漫說滕王遙擬  
勝回看黃鶴近爭雄一聲鐵笛風簾外幾葉漁舟烟  
渚中巨浪洪濤撼天地屹然砥柱是誰功

黃陵廟

謝 瑾

黃陵帝子昔嬪虞絃斷南薰鳳影孤紅盡淚痕傳翠  
竹青來魂氣隔蒼梧秋風衡岳沉鴻鴈暮雨湘江怨  
鷓鴣明月三千年後夜九疑雲冷夢應無

岳陽樓

杜 庠

巴陵縣志

卷之二十六 藝文

十五

茫茫雪浪帶煙蕪天與西湖作畫圖樓外十分風景  
好一分山色九分湖

岳陽樓

馮世雍

澤國雲蒸水滿湖茫茫烟浪混虛無波心明月撼將  
墮海上浮邱閒可呼巴客錦帆飛鳥盡湘靈瑤瑟暮  
峯孤蘭汀蕙沚空相戀恐有魚龍夜泣珠

過洞庭

馮世雍

楚客驅車過洞庭天風颯颯吹湘靈斜陽欲盡亂山  
碧別浦遠望飛煙青南荒征旆倚明月東郭草堂虛  
翠屏浮槎萬里泛牛斗劍光白日空秋冥

望君山

馮世雍

遠客倚棹且東歸登樓望山魂欲飛仙人高閣渺烟  
霧江浦洞簫吹夕暉樹色倒涵日月影波光下照星  
辰輝拏舟直泛水雲窟遙峯冥浪情依依

岳陽樓

魏允貞

洞庭天下水岳陽天下樓誰爲天下士飲酒樓上頭

洞庭春興

楊慎

帝里朝辭供奉班客程宵濟洞庭灣湘君鼓瑟清泠  
外鮫女鳴機縹緲間青草波光連夢澤蒼梧雲物隔  
疑山故園亦有岷江水垂老生涯釣艇閒

巴陵縣志

卷之二十六 藝文

十六

遊君山

鄧儲

適意尋幽境登山且聽泉蒼苔人影寂竹徑鳥聲喧  
到此忘塵世依稀恍醉仙得來真趣味清韻兩悠然

岳陽樓

馮孜

氣蒸雲夢詞何壯地坼東南語益雄更著希文金石  
記一樓三絕許誰同

湖中風雨偶作

方啟參

愁眼看南極驚心恨北風浪花翻白雪霜葉擁丹楓  
漠漠秋天外冥冥暮雨中浮生何所似天地一飄蓬

湖岸

方啟參

何處身非客悠悠大夢中江連秋氣合山接海雲  
隙過陰晴變蓬飄去住同忘心天地外閒步蓼花

秋日思歸湖上草堂

方啟參

湖上羣山舊草堂苔含風牖迥蒼蒼荀星虛擬當年  
屈佩空憐此日香門外蓬深秋自翳案頭螢死夜  
偏長追思往事真成夢回首迷途老欲狂

登岳陽樓

方啟參

南紀危樓擅岳名遠涵湖水俯山城湖疑派遣銀河  
見山似飛來島嶼明萬古波流常晝夜四時雲氣遞  
陰晴登臨盱目憑闌眺笑倚青蛇紫氣生

巴陵縣志

卷之二十六 藝文

十七

岳陽樓

張山

自是湖南第一樓綺牕雕□□雲浮仙人已去留陳  
迹詞客重來賦勝遊雨過捲簾湘浦晚月明吹笛洞  
庭秋凭闌不盡登臨興獨對君山豁醉眸

登岳陽樓

李徵

梓里三年客蘭江八月舟遙因洞庭雨還上岳陽樓  
補袞慙無術乘槎豈壯遊浮雲勞悵望天北是神州

登岳陽樓

周洪謨

楚地無邊水江南第一樓君山波底出大塊鏡中浮  
魚聽軒轅樂龍迎夏后舟憑高懷往跡更欲弔湘

岳陽樓

周洪謨

雕梁畫棟隱霏虹  
天影波光總是空  
四壁濃陰三峽雨  
八窗涼氣五湖風  
廣寒宮闕丹青上  
萬丈樓臺碧海中  
借問登臨豪傑客  
先憂後樂幾人同

登岳陽樓

卞榮

荆楚南來第一樓  
白雲明月落簷頭  
數聲長笛昔曾聽  
半局殘棋誰爲收  
去國有懷成感慨  
維舟無計免淹留  
湖光浩浩如東海  
欲學任公試巨鈎

岳陽樓

翁溥

樓閣俯三湘  
登臨見八荒地  
分雲夢勝天帶  
洞庭長巴陵縣志

卷之二十六

藝文

十八

湘妃怨

吳曰南

斑竹淚千叢  
蒼梧雲四起  
遙望瀟湘波  
不似瀉汭水

岳陽樓

汪如璧

岳陽樓上望湘君  
風雨凭闌酒半醺  
雀舫暮連青草瘴  
釣竿朝拂洞庭雲  
思迷錦瑟孤峯小  
目眇秋波落葉紛  
慚愧江湖尙牢落  
登高空憶范希文

過洞庭

王孫蔚

洞庭淼無涯  
欲濟候風力  
我來蟬聲噪  
楓葉初蕭瑟  
涼颼會人意  
飄然送帆席  
解纜□岳陽  
凌波似奮□

□山一片雲迎面忽相逼雪浪翻日車赭崖裂地□  
中流舞神鴉噪飛自索食一似恃水伯飽颺古祠側  
湘靈瑟已杳祖龍樹還碧萬象迥迴合變化誰能測  
憶昨下瞿塘驚魂尙未息浩蕩復能征長作舟中客  
開窻見南嶽七十辨峯色遙揖魏夫人逸興飛青壁  
江湖蒸白漉蒼莽迷咫尺向暝風更緊粘天潮影黑  
撥棹破盤渦恐撼蛟龍宅正襟語波濤忠信諒無失

過君山值雨

姜廷頤

十二青螺寺作家曉尋詩句乞僧茶秋風過樹落紅  
葉夜雨湖聲送白沙

巴陵縣志

卷之二十六

藝文

十九

岳陽樓

高澂

巴陵城上岳陽樓樓外長江日夜流殘雨數峯衡嶽  
曉暮雲孤樹洞庭秋仙人夜奏沙邊笛估客春移樹  
杪舟十二危欄閒極目滿汀楊柳不勝愁

岳陽樓

吳國倫

高閣層城四望開洞庭秋色正徘徊湖吞九水浮天  
濶地擁三巴入境來赤甲雲生神女過黃陵日落帝  
妃哀尋源不必乘槎去直取君山作渡杯

香爐峯

吳國倫

山烟細細五雲盤散入春陰楚甸寒我欲峯頭瞻北

極香爐不似殿中看

自巴陵至大荆驛

沈鍾

巴陵東度萬重山  
冒雨衝泥路轉艱  
插地新秧爭碩茂  
走渠流水弄潺湲  
但留知己孤琴在  
甘爲憂時兩鬢斑  
薄暮解裝棲此驛  
庭蕉相對且怡顏

望君山

羅瑤

逍遙湖上樓  
水天真一色  
白浪捲風濤  
隱却君山碧

湘竹

王鉞

湘妃分翠滿  
蒼梧管領春風叫  
鷓鴣我欲放舟閒  
載酒紫簫吹過洞庭湖

巴陵縣志

卷之二十六 藝文

二十

九日滿擬登君山  
未蒙主人道及然  
時則可而興已到矣  
賦此施堯臣

艤舟幾度阻回風  
秋水無波喜路通  
隔岸樓臺呈海市  
鏡中車馬入蟾宮  
幸逢佳節登高勝  
況有良朋作賦雄  
飛渡朗吟今日事  
何須更覓呂仙翁

巴邱泛月

周聖楷

□月湖中好  
憐人不在明賞因  
稀愈快遊以幻爲程  
漁火隨星出山光  
與樹平棹邊天上下  
何處岳陽城

登岳陽樓

劉崇文

湖上高樓倚碧空  
樓中客子嘯秋風  
水消水長山常

在帆去帆來江自東  
暝暝蒼梧橫一劍  
蕭蕭斑竹泣  
重瞳凭欄不盡悲  
歌意欲拂綸竿釣臥龍

過洞庭

管時敏

湖上東風水似天  
渚花紅白共春妍  
蒼梧二女墳前路  
青草三閭廟下船  
鮫室綃機聲軋軋  
龍宮珠珮影娟娟  
官閒更遂南遊興  
借榻君山寺裏眠

岳陽秋望時予以景藩奏逮將赴武昌

徐學謨

仙人吹簫度蒼梧  
天畔樓高自楚都  
南去帆檣凌浩淼  
中流日月盪虛無  
雲開睥睨丹崖迴  
露泠蒹葭碧嶼孤  
欲賦遠征愁更遠  
可堪搖落向江湖

巴陵縣志

卷之二十六

藝文

二十一

岳陽樓

葉泰

樓閣空中迥乾坤  
鏡裏看天光低綺  
席水色上雕闌  
大地三湖盡清風  
五月寒登臨歎文藻  
何處笛聲殘  
送客遊洞庭湖

謝榛

相逢楚客問巴州  
此去揚帆湖上遊  
天漢長連洞庭水  
雲霞半入岳陽樓  
低空白鴈投寒渚  
隔浦丹楓照暮秋  
莫向湘君聽鼓瑟  
黃陵月冷不勝愁

重登岳陽樓

李奎

宦遊曾上岳陽樓  
別後蒼茫四十秋  
陵谷不隨桑海

變湖天常逐水雲浮勢吞巴蜀三千里雄冠荆吳百  
二州一統無如今日盛勝遊直欲繼前修

岳陽樓

徐中行

天敞平湖萬里臺秋高霞色照行杯三湘白日波□  
動七澤青山鏡裏開風靜仙人吹簫去月明神女弄  
珠來襄徊便擬休餐住潦倒原非濟世才

登朗吟亭

張 昞

挽舟登危亭江風墮輕幘空明入遠眺天水如不隔  
青青蒼梧山淼淼雲夢澤憑欄不敢唾下有龍窟宅  
帆歸雲外秋鳥下煙光夕欲試君山茶待月出湖白  
巴陵縣志

卷之二十六 藝文

二十二

喚起朗吟翁閒中弄鐵笛

秋日馮憲使拉遊君山

艾 穆

波光野景混虛無乘興雲帆落畫圖幾載風神淮海  
月一尊秋色洞庭湖青山有幸來知己白社何妨入  
酒徒欲挾飛仙問三島此中原不說蓬壺

遊洞庭君山

艾 穆

王公期我湖山頭山與湖光日共浮乍聚三星疑是  
酒飛來萬木不勝秋扣船漁父頻停棹吹笛仙人欲  
下樓宦海采眞應爾識野心吾已狎汀鷗

岳陽樓二首

徐文華

景勝詩難就樓高風送寒水涵荆楚半天放洞庭寬  
款乃歌回浦蒼茫立倚闌君山烟霧裏何處覓三韓

其二

弭節倚巴邱初登近水樓晴風高白浪秋漲失滄洲  
目送雲帆杳心驚塞鴈愁回仙如不死騎鶴定來遊

夏日登岳陽樓懷歸

孫夢豸

有客狂歌入楚來一尊獨對洞庭開身依廊廟纔三  
月心向江湖又幾回登眺共傳仙跡異留連誰念楚  
騷哀先憂後樂當年記千載空談范老才

望洞庭

孫夢豸

巴陵縣志

卷之二十六

藝文

二十三

泛濫江湖水接天家家沉竈已生烟洞庭空自淹遷  
客滄海無緣泛釣船矯節獨懷垂漢史發棠誰復勸  
齊宣憂時未竟平生志樽酒孤舟一惘然

重登岳陽樓

戴嘉猷

樓倚雲霄一再臨江湖眺望百年情乾坤事變本無  
盡眼底風波尙未平

洞庭冬夜聞笛

李義壯

湖水茫茫冬月白三年夜半孤舟客一回見月一沾  
襟湖上何人復吹笛橫笛能令孤客悲況復天空歲  
晏時羽音剽疾商音切湖波瀲灩湖雲遲淒斷湘娥

□斑竹嚴霜瀝瀝飛寒玉巴童折柳更玲泮無數□  
花滿洞庭魚龍寂寞鴻鴈香惟餘一點君山青明日  
別離向何許渡口一聲淚如雨

岳陽樓

陳 察

幾年夢寐岳陽樓萬異歸來此夕遊范老風情如往  
日楚天物色似新秋山連鄂渚添詩興路近鄉關破  
客愁憶昔久觀滄海上乾坤日夜渺然浮

岳陽樓

孫 宜

行客滯修軫擊舸眺危城城高已足展樓古復斯名  
曠達豁紫霄天矯凌太清崇闌互環接曲磴裊崢嶸  
巴陵縣志  卷之二十六 藝文 二十四  
旁睇旣洞徹俯矚亦虛明湖風洒檻側山影倒城陰  
迢迢閱吳艇款乃聆楚聲簷樹晚墮葉牆菊秋敷榮  
塵車謝旣遠俗抱渺以澄停觴慨餘興高咏慰平生

洞庭

孫 宜

洞庭控南服浩渺若滄海緒風激迴濤冥雨散孤靄  
七澤勢互淪萬古流不改島嶼旣嶮業江漢復潛匯  
圓波濺石齒高浪蹴山嶽噉回衆象出魄墮頽瀾委  
艤楫隨混茫經湍怯崔嵬阨危賈客疑次夕行人悔  
目險迺足嘆際平亦堪待拏芷懷昔遊採蘭愴誰在

君山

孫 宜

高山峙平湖巨澤淪廣陸崢嶸島嶼環透邈岩嶂  
石壁鑑澄流烟蘿蔭迴洑沙寒吞浪接水落崇崖縮  
攢樹浮遠空鳴山答虛谷飄飄梵宇嚴敞赫湘靈伏  
雨葉洒叢蘭風篁振修竹秦灰慨燒存楚望瞻形肅  
夷猶帝降疑杳漠君行速寧當滯遠蹤誓此探元窟

岳陽樓

金 臯

巴陵冬日霽四望野雲開水色涵空盡猿聲入楚哀  
蓬瀛天地外棟宇晉唐來倚檻留情久懷人首重回

岳陽樓

胡 松

淼淼湖波濶巍巍樓觀崇餘霞團樹紫返照射江紅

巴陵縣志

卷之二十六

藝文

二十五

故國浮雲外新詩細雨中先憂吾有志長自仰高風

遊衡山不果寓君山

陳纘宗

衡山未到到君山君山儘有白雲閒我坐雲根雲送  
我不妨攜去到衡山

青岡驛

陳邦奇

披星青岡道悠悠出巴陵荒榛牽我帷寒風吹我纓  
憶昨初降霜奄忽成堅冰朱陽闕元陰百卉俱已零  
春陽何邈哉感嘆徒相仍

岳陽樓望君山

聞人銓一

湖上青山城上樓無邊風月四時秋湖翻落照看宜

遠山擁歸雲去復留點點浪痕憐野竹悠悠客思□  
沙鷗何時載酒山中去十二峯頭醒宿愁

湘中吟

胡承諧

楚客多悲音更爲湘浦吟湘浦蕭條空延佇日暮停  
舟懷沙渚狂風震盪洞庭湖屈氏忠魂無處所吁嗟  
乎君無輔兮車軸折臣失主兮菁華絕所以申狄蹈  
河萇宏化血纍臣一去不可攀含悲飲泣愬天關乍  
凝神思若有見倏爾孤帆沒雲山

雨中登鹿角山宿趙荆右宅

王象艮

厓古憑空閣峻嶒石徑斑龍原花外水鹿角雨中山  
巴陵縣志

卷之二十六

藝文

二十六

幸有心知共兼逢地主閒登臨無限意信宿不知還

湘竹簫歌

王汝玉

君家洞簫天下奇碎紅亂點香淋漓濃如丹砂泌冰  
肌淡似猩血封瓊枝持來世人莫能識疑是秦女來  
相貽幾回吹向霜江曉皎月不明風悄悄一聲捲入  
碧雲中驚散飛鴻落天表君不見重華去兮歸路遙  
二妃泣向湘江臯江臯之竹竹間淚萬古千年長不  
消我將挾君攜此洞上黃鶴樓醉弄一曲離鸞秋曲  
終飛渡洞庭去試聽蒼梧猿夜愁

岳陽樓

黃仲芳

十二闌杆百尺樓高標南極俯滄洲碧牕風度迴鸞  
鶴畫棟雲開接斗牛樹色捲簾巫峽曉浪花飛雪洞  
庭秋登臨莫問當年事不盡長江滾滾流

重登岳陽樓

陳輝

湖南樓閣屬東陵二十年來復一登滿目江山如舊  
識半空闌檻自秋凭雲移遠岫千屏出日落平湖一  
鏡澄北望蓬萊雲五色凌風幾度欲騫騰

洞庭棹歌

龔朝典

一葉浮湘風雪暄遊人爭上洞庭船平湖八百添新  
漲野艇如萍坐入天烟波渺渺蕩青草回視君山若

巴陵縣志

卷之二十六

藝文

二十七

蓬島醉吟仙子不可呼鼓瑟湘靈但微討翠黛雲鬢  
明磊落款乃輕風過鹿角千山招雨蔽江來夾岸連  
雲似烏合湘陰酒美尙堪沽江魚換得趨新舖篷底  
靠牕歌八詠嗔無筆寫雨烟圖危亭隱隱藏湖曲雨  
打風橫灣六六閒看漁父哺鷓鴣上下船頭任飛宿  
和雨和烟泊喬口登樓一望飛帆走少陵詩句在其  
中岸樹江風爲弔古

君山除夕二首

張元忬

歲晚人間萬事并市廛燈火簇如星逍遙獨有乘風  
客把酒君山望洞庭

曉起湘娥點翠眉  
窻前一片碧琉璃  
湖光山色長如此  
臘盡春回總不知

岳陽樓懷古

郭崇嗣

層樓高磴步空冥  
百尺闌干俯洞庭  
赤壁東風吹漢燼  
蒼梧細雨□湘靈  
四方冠蓋長年過  
六代干戈此地經  
人事天時幾更撰  
君山依舊樹青青

春日偕張墨山遊君山風起不果遂飲於岳陽

樓

郭崇嗣

洞庭春霧晝濛濛  
孤島浮沉白浪中  
風急鳥行迴草樹  
日高花氣散簾櫳  
名樓此日人同醉  
福地何年路巴陵  
縣志

卷之二十六

藝文

二十八

始通狂倚危欄仍悵望  
短篷長笛過漁翁

夏日岳陽閒眺

郭崇嗣

長夏清和閒上樓  
渚蘭汀芷迴生愁  
千峯雨過層陰散  
一水天迴倒影流  
黃帝鼎成無樂奏  
湘君祠在有神遊  
臨風屈指端陽近  
浪說靈均爲競舟

秋杪同壘之遊君山

馬鎮

余生天台萬峯中  
忽乘長江破浪風  
岳陽秋高寓蕭寺  
日望洞庭君山東  
君山名勝隔江水  
多少負奇未及此  
拍浪風帆並海濤  
狂喜同遊有李子  
駕得扁舟濤上行  
須臾直上山之堂  
門前悄立者誰氏  
林君李

君真激昂丈夫會合豈云偶山水朋情逐電走楚越  
東南萬里身今日突如左右手且飲且奕軒與亭四  
顧雲暝更波渟晚來高臥共一榻夢對余鄉山色青

岳陽樓

朱應登

樓枕巴陵控楚都高名今與洞庭俱四時雲氣窺簷  
際六月涼風灑座隅豈有神仙來縹緲卽看文字壯  
規樓乘流欲上君山頂飽玩滄溟納五湖

岳陽樓

曾鼎

洞庭倒浸楚天寬一點君山鏡裏看二女廟荒春寂  
寂三湘地隔水漫漫岷江雪浪愁移棹巫峽雲屏醉  
巴陵縣志

卷之二十六

藝文

二十九

倚闌惆悵無心重弔古但從日下望長安

秋晚登君山

張琦

十年兩醉君山酒山下民風似昔年青帕茜裙糲麥  
女銀鱸紫蟹入村船霜焦葉破猶藏寺江浦沙高未  
作田病骨登臨尙強健坐聽湘瑟弄湘煙

岳陽樓集飲

姜性

秋氣搖江白魚龍半隱淪遠山青入骨霜樹醉如人  
岸芷依沙淨汀蘭冒露新同羣增敬勉笑語引情真

登岳陽樓

姜性

削出君山水面橫湖光烟景逼山城誰能收却樓頭

趣千古風流一子京

過洞庭

倪子敬

長帆百里乘風舉巨浪茫茫洒荆楚自從混沌剖裂  
時勢與乾坤互吞吐孤城遙見是巴陵城上危樓猶  
數層江山都在闌干角懷古情深不忍登昔賢五色  
如杠筆倒捲銀河翻几席先憂後樂此時心萬古中  
天懸白日我亦江湖作遠遊寸心長繫百年憂三湘  
南去叫虞舜蒼梧日落雲悠悠平洲芳草齊如翦長  
吟不作騷人怨一聲風笛鴈茫茫回首君山天際遠

岳陽舟中同諸上人語

袁宏道

巴陵縣志

卷之二十六 藝文

三十

榭子碧絲繩官程亦伴□每聞靜者語似飲熱中冰  
隙月衝簾幌高雲謝繳矰七番經過地話盡一牕燈

中秋偕諸衲泛舟洞庭

袁宏道

匝地雲銷盡平湖絕點青琉璃天子月香水海王城  
怒蛤排帆立神魚掣練行山僧精觀忍一倍發光明

登岳陽樓

劉敷

屈指岳陽今十過民生未遂欲如何楚江疎柳空啼  
鳥宋代蒼松自碧蘿雨過君山春有脚月明湖水夜  
無波古來憂國心常切莫怪風前兩鬢皤

岳陽樓

薛綱

聞說洞庭湖水濶凭高一望渺無窮東西樹影微茫  
外上下天光混沌中夢澤雨來龍井黑扶桑日出蜃  
樓紅恨身不插雙飛翼追附南鵬萬里風

岳陽樓

梅江

郡城西北倚層樓極目天光無盡頭夢澤波寒春水  
濶君山樹暝曉烟浮仙人棋局乾坤老輔相文章社  
稷憂身在江湖心在國欲移軒鼎奠神州

移居巴陵

陳昂

此卽巴邱戍相傳魯肅城古今餘往事兵火剩殘生  
楚水爲漁便湘山結室平地靈如獲托亦足寄遐情

巴陵縣志

卷之二十六

藝文

三十一

將遊君山阻風

江盈科

君山劃破洞庭水修蛾隱隱鏡中起岳陽樓頭一望  
見秀色落人眉捷裏十年夢想希一登風帆來去如  
飛騰譬猶走馬見美女欲與握臂其安能此番艤棹  
巴陵道咫尺君山容易造無奈顛風日夜吹雪浪橫  
拖天浩浩英皇祠柳毅廟百舌啼殘春欲老軒轅鑄  
鼎然未然龍女遺書或浪傳擬向山僧訪端的檣傾  
檣折那能前況好披雲斲方竹茶觜兼收雨前綠倦  
時坐臥酒香亭鼻醉陶然如枕麩惜哉欲遊不得遊  
境與心拂徒夷猶名山躋陟亦有分何況通津與要

途興酣且酌酒一斗醉後攬山山在手臥遊之言至  
理存堪與拘士脫枷杻秦皇枉號英雄人伐樹赭山  
留惡名李白但言剗却好一語便足垂千春嗚呼文  
章富貴誰屈伸

登岳陽樓

胡鵬舉

名樓甲天下今古獨爭雄地缺天光補竄虛眼界空  
君山當砥柱川水遠朝宗登眺頻呼酒沉吟憂樂中

岳陽樓

劉汝南

洞庭木落楚城陰寒雨蕭蕭暮藹沉平浦四臨堪極  
目高樓一上欲沾襟湘君祠古烟波迥黃帝臺空歲  
月深不見臨流濯纓者空聞漁父扣舷吟

巴陵縣志

卷之二十六

藝文

三十二

酒香亭

帥登

荒徑無松菊頽垣漏水鄉談空依倦鳥坐久畏斜陽  
不羨瀏伶醉應容阮籍狂有情曾盼望千載憶寒香  
由鴨欄至巴邱登岳陽樓

曹學佺

欲問巴蛇豕先過鬪鴨欄山名天岳固湖取洞庭寬  
郡邑如沙聚帆檣若樹攢平生懷曠達今日遂游觀

登岳陽樓

宋儀望

岳陽樓俯大江陰雪裏來登見客心山入九疑湘沔  
遠波連七澤洞庭深乘風鸛鶴時高下破浪帆檣自

古今借問當年吹笛客可能長嘯聽孤琴

岳陽樓

楊祐

曉上巴陵望洞庭平川如練遠山青聞韶不盡重華  
感鼓瑟猶傳帝子靈龍送斷雲歸極浦鴈衝宿霧起  
寒汀翻思風雨連宵惡轉覺江湖兩鬢星

岳陽樓

胡汝霖

岳陽樓觀倚天開漢沔風濤湧日來雲盡東南兼水  
白路迷鄉國使人哀沙邊鴻鴈參差起窟底魚龍寂  
寞回欲弔楚纍漁父恨獨憐漢室賈生才

登樓望君山

謝祖悌

巴陵縣志

卷之二十六

藝文

三十三

□土折堯壤巴湖奠禹服名勝藉英流創制需賢牧  
□殿枕岷湘舟車集河陸梯鴻飛閣迥蔽日重檐複  
江華燦石瀨山果炫林麓極目眺君山□□來中沐

過洞庭

唐紹堯

浪湧波寬水勢雄指南全恃一篙工占風午夜先晨  
起計日揚帆晚宿同望遠不分雲水白欹檣難辨野  
花紅大觀在目思無限嶮□驚心興亦窮